

民國佛教期刊女獻集成


任繼愈題



民國佛教期刊文獻集成

任繼愈題

第 71 卷



覺社年刊
三教月刊

中國書店

第一期

覺社年刊

甲戌三月家玉題



蘇州覺社年刊第一期目次

發刊辭

安礙

學 術

小乘宗派略說

聖一

心經譯本之種類及咒語對照表

聖一

演 講

癸酉四月八日本師聖誕圓瑛法師開示

忍成記

癸酉十一月十七日彌陀聖誕寶靜法師開示

德健記

癸酉十一月初七日爲故社友唐德雲居士懺悔致辭

忍成記

癸酉釋尊成道日祝辭

無生記

甲戌元旦彌勒聖誕演辭

淨果記

佛教非迷信

聖一

世出世間之女性觀

聖一

文藝

謁廬山東林寺記附詩八首

無生

金王夫人地藏聖誕感應記

德澄

詩三十四首

倚劍、安礙、無生、忍成、德彌、坤山、
曉渾、智進、渭士、達季、滌珊、伯剛、

紀事

蘇州覺社大事紀

聖方

蘇州覺社規約

蘇州覺社職員表

蘇州覺社社友錄

附錄

鮑聖雲居士脫險記

寶靜

蘇州覺社年刊發刊詞

法界虛通不可言說。是以世尊四十九年，三百餘會，最後自稱未說一字。然爲四悉因緣，以利羣倫，則始自鹿苑，終至鶴林，阿含、方等、般若、法華、涅槃、華嚴，或性或相，或遮或表，或大或小，或顯或密，又未嘗不塵說刹說熾然說也。蘇州覺社成立六年，講經三度，臨時開示，亦有多次。歲紀甲戌，本師誕日，適值遷移藥師庵二週之期，同志且憂世喜。憂則世界糾紛，人心陷溺，背覺向塵，方興未艾。喜則戒殺放生，善根日厚，習教念佛，正見稍開。爰共發願，年刊一冊，輯錄學術演講、文藝紀事數門，按年刊布。普令初機，由迷而悟，各了生死，期挽狂瀾。此日東鱗西爪，敢云教海之葦航，他時得意妄言，翻作禪林之夢囈。遠祖再來，護龍之道場，宛在。生公久逝，虎阜之頑石猶存。三寶在上，掬誠露布。

實 用 佛 學 辭 典

本 局 編 輯 出 版 預 約

佛學艱深。鑽研匪易。問津之士。往往於入門之初。即爲名相所困。以前雖有翻譯名義集。一切經音義。三藏法數。教乘法數等書。然名義集最詳於西土之譯音。而略於其他重要之術語。音義一書。又祇詳於奇文僻字之反切。而未能抉發佛學上之深義。教乘法數限於名數。且僅列表解。初無釋義。三藏法數爲精詳矣。然於經人名。及其他種種重要之術語。皆未以入。仍未足以鑒學人之欲望也。且數書編次。與辭典體裁。均有未合。檢查之時。極多困難。丁氏佛學大小辭典。一苦過詳。一苦過略。本局爲應國內緇素急切需要起見。編輯實用佛學辭典一書。以日人織田得能所著之佛學大辭典爲藍本。以翻譯名義集。三藏法數。及一切經音義等書爲參攷。選譯精要。刊落繁蕪。歷時數載。近始告成。具上述數書之長而無其短。編次之時。除依筆畫多少外。仍照字典部首先後。以類相從。故檢查之時。極爲便利。有引手而得之妙。現本局正在著手編製樣本。開始預約。每部約在五元之譜。想國內緇素聞此佳訊。亦必同聲歡迎焉。

本書裝潢之說明

本書編譯排版費時三載有餘。內容豐富。條理精密。解釋詳明。最合國人研究佛學之實用。本書用道林紙三十二開（紙樣照此樣張）書高七吋闊三吋半。厚三吋。又四分之一共一千餘頁。二千餘面。用穿線騎馬式裝成洋裝一巨冊。雖書本極厚。而翻查極便。本書訂線處均用帆布包底。膠樹黏貼。無論若何翻查。書頁無脫落之虞。本書面底用堅韌厚紙。版托襯並包最厚沖皮。裝成形式。既極美觀。又復經久耐用。本書另用厚紙版沖皮布裝成套盒。既可免除郵寄之損壞。又能保護平時之陳列。

預約簡章

- 一 全書裝潢：本書用道林紙三十二開計一千餘頁共一百四十萬言。訂成洋裝皮面一巨冊。
- 一 預約日期：自本年四月一日起至七月底止。
- 一 出書日期：本年八月份。
- 一 預約定價：本書定價大洋五元。預約一次繳付洋三元五角。
- 一 本書郵費：國內及日本二角二分（六月底以前預約者郵費免收）新嘉坡古二元。香港一元一角。郵會各國二元三角。此項寄費均須於預約時一次交足。

發行處所

- 上海 膠州路 佛學書局
- 上海 愚園路 佛學書局
- 上海 閘北新 佛學書局
- 北平 佛學書局
- 上海 望平街 有正書局
- 上海 四馬路 有正書局
- 上海 麥特林 佛學書局
- 上海 玉泉路 佛學書局
- 長沙 玉泉路 佛學書局
- 杭州 西湖 佛學書局
- 上海 龍翔橋 佛學書局
- 上海 貝勒路 護生報社
- 上海 霞飛路 護生報社

學術

小乘宗派略說

聖一

佛以一音弘演大法，無非應人施教，稱性而談，本無大小之乘，安有宗派之別。自鶴林示寂，象子隨亡，大弟子摩訶迦葉、阿難陀、優波離、摩訶迦旃延四尊者，爲流傳佛法，普度羣生計，得阿闍世王之大檀越，召集五百羅漢，或云千人分別結集經律論藏於七葉巖，是名上座部，謂皆身證阿羅漢果之上座弟子所述也。此外尚有弟子萬餘人，博通三藏，別行結集，是名大眾部，謂皆上座以次之佛弟子所述也。時雖兩地結集，知見正大，歸於一致。嗣有阿難弟子，名耶舍尊者，更召七百羅漢於吠舍離國，再集毘尼，異說漸興，尙屬大純小疵，迨佛滅百有餘年，去聖日遙，諸大弟子相繼圓寂。阿育王信奉大天比丘，以四衆諍論五事，互不相下，遂致分裂，各立宗派，凡爲二十部之多，此小乘宗派之沿革也。今欲溯其源流，須分章節爲之略說。一曰大天之歷

史。二曰五事之爭端。三曰宗派之本末。四曰教義之異同。

一 大天之歷史

昔摩竭陀國王曰阿育，譯云無憂，造舍利塔八萬四千，供奉三寶，最爲熱誠，其政治亦極清明，故轄境幾徧於瞻部，號稱鐵輪王。時末土羅國有一富商，生一男子，顏容端正，名曰大天。富商遠適他國，持寶貿易，久未歸家，其子長大，染穢於母。旣聞父歸，大爲惶怖，與母設計，遂殺其父。以律論之，已犯五逆重罪之一。未幾事漸敗露，別母逃往波吒釐城，適遇本國所供養之無學比丘，復恐被洩，乃殺之以圖滅口，又犯第二五逆重罪。心更憂之，後見其母與人私通，便憤不可遏，以爲我烝於母，犯二重罪，逋逃他國，寢食不安，今復捨我，更有所戀，如是淫蕩，詎堪容忍，於是殺母，犯第三五逆重罪。由彼夙世善根，尙未斷絕，深自憂悔，思滅已往重罪。忽聞沙門釋子，有滅罪妙法，遂往雞園某寺，於其門外，見一比丘徐出口誦偈曰：若人造重罪，修善以滅除，彼能照世間，如月出雲翳。聞之歡喜踴躍，知彼佛教，定能滅罪。因詣比丘所，殷勤固請，求度出家。時比丘未及審問，爲之雍度，仍名大天。日夕教授。大天聰慧，出家未久，不但能誦三藏文義。

抑且言詞巧辯，善於導人。波吒釐城，無不信仰。時阿育王聞已，召請入宮，恭敬供養，而請說法。師歿，住持雞園，自稱阿羅漢。旋入城，有善相者見之，謂彼七日定當命終。彼乃矯稱：「吾已久知。復還雞園，令諸弟子走告王臣士女，謂將於某日涅槃。」至第七日，彼果命終。王等聞之，悲哀無已。各携香薪，并蘇油等，爲之火化，而隨燃隨滅，竟不能化。善相者曰：「彼難消此殊勝葬具，宜以狗糞加之，火遂炎發，俄成灰燼，暴風猝至，飄散無遺。」

二 五事之爭端

大天一日在雞園，不正思惟，夢遺不淨。令彼弟子洗濯污衣。弟子白言：「阿羅漢諸漏已盡，師今何故有此不淨？」大天告曰：「天魔所擾，汝不應怪。漏有二種：一者煩惱，二者不淨。阿羅漢但無煩惱，未能盡免不淨。所以者何？阿羅漢煩惱雖盡，豈無便利涕唾等事？然諸天魔常嫉佛法，見修行人，每爲撓亂。故我漏不淨，是彼所爲。汝今不應有所疑怪，是爲五事之一。」

又彼大天欲見好於諸弟子，矯設方便，一一授以四沙門果。時有弟子稽首白言：「阿羅漢等應有證智，如何我等都不自知？」彼言：「諸阿羅漢亦有無知。汝今不應於己不信，謂無知略有二種。」

一者染污羅漢已無，二者不染污羅漢亦有。是以汝等不能自知，是爲五事之一。時諸弟子復言：曾聞聖人無疑，如何我等於諦實中，猶懷猶豫。大天答言：疑有二種，一者隨眠性疑，阿羅漢已斷；二者處非處疑，阿羅漢未斷。獨覺於此，尙不能免。況汝聲聞，豈能無疑，是爲五事之三。

旣而弟子讀經，說阿羅漢有聖慧眼，於自解脫，能自證知。因白師言：我等若是阿羅漢者，應自證知。如何但由師之令入。彼卽答言：有阿羅漢，但由他人不能自知者。如舍利子、智慧第一、大目犍連、神通第一、佛若不爲之記別，彼不自知。況汝等鈍根耶，是爲五事之四。

大天歷造諸惡，而善根未滅，每於中夜，內省惶悚，屢歎苦哉。弟子聞而怪之，晨興問訊起居，必答我甚安樂。弟子更白：師於昨夜，因何屢歎苦哉。彼言：我呼聖道，汝不應怪。蓋諸聖道，若不至誠稱苦，終不現起也。是爲五事之五。

大天括前五事，作爲偈頌云：餘所誘，無知，猶豫，他令入，道因聲故起，是名眞佛教。其後雞園寺中，長老多歿，十五日夜，大天昇座說戒，卽自誦此偈。爾時有學無學，精修戒定慧。

者聞之無不驚訶。翻彼頌云。餘所誘無知。猶豫他令入。道因聲故起。汝言非佛教。於是終夜諍論。兩不相下。時阿育王躬詣雞園。亦自生疑。不知孰是孰非。大天白王戒經中說。若欲滅諍。依多人語。王乃令僧分班別立。以表決之。而聖賢人少。大天黨多。王遂依於大天。訶斥餘衆。事畢還宮。諍猶未息。遂分二部。一曰上座部。二曰大衆部。時諸賢聖。知衆乖違。便離雞園。欲往他處。王聞之怒。勅以破舟載至恒河中流。溺之。驗其聖凡。未及奉行。諸賢聖各現神通。作種種變化。相率凌虛。飛向西北而去。王甚愧悔。暈絕復甦。亟遣使訪尋。知在迦濕彌羅國。卽屬賓國。固請不還。遂免迦濕彌羅國稅。別建叢林五百。以供養之。阿育王始惑於大天。顛倒殊甚。繼而虛衷服善。擁護佛法。仍不遺餘力。殆亦韋馱諸天之應化歟。

三 宗派之本末

小乘宗派。初僅上座大衆二部。厥後十八部。皆從上座大衆。漸次分裂而出。凡二十部。名相生澀。學者未易了解。今據梁三藏僧迦婆羅譯之文殊師利問經。及唐三藏玄奘譯之聖教顯揚論。錄其偈頌。爲之對照。加以略說。藉明本末之系統焉。

經 頌

論 頌

摩訶僧祇部、	分別出有七、	體毗履十一、	是謂十二部、
十八及本二、	悉從大乘出、	無是亦無非、	我說未來起、
有異部有廿、	本二末十八、	本上座大眾、	末初從大眾、
有一說出世、	雞胤及多聞、	說假制多山、	西山北山住、
上座名雪轉、	流出一切有、	檀子法賢胃、	正量密林山、
化地并法藏、	飲光經量部、		

梵語摩訶僧祇，此云大眾。謂老少同會，共集佛藏也。梵語體毗履，直譯老宿，意譯上座，謂皆年高耆宿，上座弟子，共集佛藏也。此二部一在七葉巖，或云界內。阿難陀主集修多羅藏，即增一中長雜四阿含經等是，或云阿笈摩，譯云無比，謂經義包括尸羅禪定般若勝妙無與倫比也。優波離主集毘奈耶藏，或云毘尼藏，即四分五分十誦僧祇等律是。譯云調伏，謂戒律所以調和降伏身心諸過也。迦旃延主集阿毘曇藏，或云阿毘達磨，譯言對法，即發智及集異門足施設足品類足界身足識身足法蘊足等六足論是，謂論藏所以析疑問難，教誡後世也。以上座

摩訶迦葉爲其領袖，故名上座部。一在界外，人數萬餘，同時結集三藏，雖無領袖，而皆是佛之弟子，故名大衆部。偈云：本二者，卽指此上座大衆二部，爲佛滅後一切小乘部執之根本也。其他十八部，皆從上座大衆二部分別流出，猶樹木之有枝葉，故云末十八也。

佛滅後百有餘年，大衆部中流出三部：一名一說部，文殊師利問經云：執一語言部，謂此部所說世出世法，皆無實體，唯一假名也。二名說出世部，文殊問經云：出世間語言部，謂世間煩惱，從顛倒生，顛倒生業，業復生果，皆是假名。出世間法，非顛倒生，故由是而生之道及道果，皆是實有也。三名雞胤部，文殊問經云：高拘梨柯，宗輪記云：憍矩吒部，眞諦法師譯云：灰山住部，乃婆羅門姓，此部專弘論藏，不弘經律，謂論藏能速斷煩惱，最合正理。講經易起驕慢，講律亦太拘泥也。謂之雞胤者，謂上古有仙，因染一雞，後所生族，因名雞胤也。此卽佛滅後第一時代大衆部流出之三部。

次從大衆部中復出一部，廣學三藏，深悟佛言，故名多聞部。或謂佛在世時，有一羅漢，名祀皮衣，先習仙術，樹皮爲衣，常住雪山，祀天佛涅槃時，祀皮衣正入定，未覺，至二百年，從雪山來，於

大衆部，宏其三藏，其義深遠，過舊所聞，故名多聞也。是爲佛滅後第二時代大衆部流出之一部。

次從大衆部中，更出一部，名說假部，謂此部所說世出世法，有假有實。既不同一說部之一切皆假，亦不同說出世部之一切皆實，故真諦法師定爲分別說部。而文殊問經略無此部。或謂此卽摩訶迦旃延之弟子所弘揚者，是爲佛滅後第三時代大衆部流出之一部。

次於佛滅後，滿二百年，有一外道出家歸正，亦名大天。多聞博學，居制多山。文殊問經譯云：底𩑦山，或稱支提，皆梵夏異音耳。義云靈廟，謂此山多安置聖靈之廟，與大衆部僧重論前之大天五事，略有爭執，遂分三部。一曰制多山部，二曰西山住部，住於制多山之西山。文殊問經云：東山部，三曰北山住部，住於制多山之北山。皆從住處立名，而以大天所住之制多山爲根據也。如是大衆部四分五裂，本末合計，都凡九部。文殊問經略去說假一部，故云摩訶僧祇部分別出有七。顯揚聖教論，則明明有八，加之本部，共成九部。異部宗輪記亦同，列表如左。是爲佛滅後第四時代大衆部流出之三部。

大衆部（本）

一說部……說出世部……雞胤部
多聞部
說假部
制多山部……西山住部……北山住部

共八部（末）

上座部在佛滅後，二百餘年，因迦葉住持，慶喜滿慈近執等，助揚其化，先宏經藏，後及律論，聖者相繼，毫無諍論。至三百年初，有迦多延尼子於上座部出家，先宏對法，後宏經律，遂分兩部。一曰說一切有部，亦名說因部，文殊問經名爲一切語言部，梵語原名薩婆多部。二曰本上座部，轉名雪山部。言一切有者，謂有爲無爲，世出世間，其體皆有也。亦名說因者，因卽所以，謂此部說義，必詳加分別，以明其所以然也。言本上座部，轉名雪山部者，上座弟子承迦葉之教，本宏經教，迨說因部起，多宏對法，義理優長，勢力漸強，上座弟子心不甘服，乃移居而入雪山，故云轉名也。是爲佛滅後第一時代上座部分裂之二部。

次從一切有部流出一部，名犢子部，真諦法師云可住子弟子部。言犢子者，律主之姓，上古有